



## Hoërskool McLachlan

Posbus 3  
Joubertina  
6410



042-273-1335  
042-273-1210  
info@hsmclachlan.co.za  
www.hsmclachlan.co.za

NUUSBRIEF 14/05 2021

Geagte Ouers/Voogde

### 1. **Borge 2021:**

'n Spesiale dank aan al die borge wat ons skool gedurende 2021 ondersteun. U borgskap/skenking word opreg waardeer.



## MAROEN BORGE



## BEHEERRAADSPOS BORGE



## GRANOR PASSI PROJEK



Groot dank aan die borgekomitee vir hul harde werk.

### 2. **Skoolbywoning – graad 1- tot 9-leerders:**

Ongelukkig sal graad 1- tot 9-leerders steeds in groep A en groep B vanaf 17- 21 Mei moet skool bywoon. Graad 1- tot 3-leerders het dus volgende week nogsteeds geen sport nie. Graad 4- tot 7-leerders sal volgende week die volgende akademiese periodes tydens sportperiodes volg:

	Dinsdag, 18 Mei:	Donderdag, 20 Mei
Gr. 4	Wisk. Afr.	LV LV
Gr. 5	LV LV	Wisk. Wisk.
Gr. 6	Eng. Eng.	NW&Teg NW& Teg
Gr. 7	NW NW	Eng. EBW

Die maatskappy waarby die tafels bestel is, is agter skedule. Ons as personeel wil net die beste en veiligste vir ons leerders bied en was net so opgewonde dat ons klasse weer na normaal kon terugkeer. Ongelukkig is die aflewering van die tafels buite ons beheer. U sal in kennis gestel word wanneer ons gr. 1-9-leerders almal weer elke dag skool kan bywoon.

### 3. **Personeelaangeleenthede:**

Juf. Nicela Laruffa neem hierdie kwartaal gr. 7 tot 9 se Lewensoriëntering waar.

4. **Langtafelaand: Vrydag, 28 Mei 2021:**

Kom geniet hierdie heerlike Langtafelkuieraand ten bate van Hoërskool McLachlan saam met ons. Hierdie SUSHI-sosiale funksie gaan jou stoutste verwagtinge oortref.

Daar is a.g.v. Covidregulasies slegs 200 kaartjies te koop.

\* Maak 10 vriende bymekaar en betaal R1500 in die skool se rekening in. Stuur dan die 10 name van jou gastelys vir me. Mattheus en jou tafel is bespreek.

\* As jy 'n enkelkaartjie wil koop, betaal R150 en kom kuier lekker saam.

Almal oud en jonk is welkom. Die aand belooft om groot pret te wees met sushi, lekker Thaise kos, 'n kontantkroeg, 'n opkomende sanger en 'n lekker dans - alles net teen R150 per kop.

Koop betyds jou kaartjie.



5. **Finansies:**

**Busgeld:**

Busgeld vir die 2e kwartaal is betaalbaar teen Maandag, 17 Mei. Indien die busgeld nie betaal is nie, mag leerders ongelukkig nie verder van die busdiens gebruik maak nie.

Misgund: R2 080,00

Louterwater: R1 860,00

Krakeel: R1 640,00

Bankbesonderhede: Bestuursliggaam HS McLachlan

ABSA Joubertina

Rekeningnommer: 1970 430047

Tipe rekening: Tjek

Takkode: 334415

**Verwysing: KIND SE NAAM EN VAN**

Ons doen weereens 'n vriendelike, dog dringende versoek, dat EFT-betalings se verwysings die betrokke leerder se naam en van op sal hê, én dat 'n betalingsbewys, met verduideliking waarvoor die inbetaling is, na mev. Mattheus by [admin@hsmclachlan.co.za](mailto:admin@hsmclachlan.co.za) ge-epos sal word.

**Kopieerkoste:**

Die kopieerkoste van R500 per leerder vir 2021 was betaalbaar teen 31 Maart 2021. Ongelukkig is daar nog verskeie leerders wat nog nie die kopieerkoste betaal het nie. Indien dit nie sonder verwyl betaal word nie, sal die leerders nie verder fotostate ontvang nie. Die skool kan nie optimaal funksioneer indien ouers nie hul finansiële verpligtinge teenoor die skool nakom nie. Die leerder in Hoërskool McLachlan ontvang kwaliteit onderrig en daarvoor is finansies broodnodig.



Ons opregte dank en waardering teenoor ouers wat te midde van moeilike finansiële omstandighede, hul plig in die verband nakom. 'n Deposito van R125 is op 10 Mei in die skool se rekening gemaak met verwysing: skoolfons (dit is spelling van verwysing). Sal die betrokke ouer asseblief vir mev. Mattheus kontak. Ons doen weereens 'n dringende beroep op ouers om die korrekte verwysing, naamik kind se naam en van te gebruik.

6. **VCSV-kampe in 2021:**

Weens die huidige Covid-regulasies bied die VCSV geen skoolkampe aan nie. Aangesien leerders van verskeie skole, regoor die provinsie, in noue kontak met mekaar sal kom, is die gesondheidsrisiko net te groot.

Ouers kan gerus as gesinne op die VCSV-kampterrein in gesinsrondawels gaan kamp 100m van die see af teen uiters billike pryse. Kontak gerus Elizca op die terrein by 072 887 3093 vir tariewe.

7. **VRL – Virtuele Talentkompetisie:**

Die VRL bied 'n virtuele talentkompetisie van sang, dans, voordrag, groepsdansen, instrumente, ens. aan vir die laerskool- en hoërskoolleerders van Mei-maand tot einde Junie aan. Daar is pryse vir elke ouderdomsgroep en kategorie.

Leerders moet net self 'n selfoonopname van hulle inskrywing maak en instuur na die virtuele beoordelingspaneel van die VRL-leiers. Inskrywingvorme met 'n R15-inskrywingsfooie kan by Johan Strydom (hoofleier) en Miencke Strydom (gr. 10 VRL-lid) ingegee word.

Whatsapp jou inskrywing dan na 065 9680 626. Wenners sal op 5 Julie bekend gemaak word.

8. Die ATKV R62-Kamerade bied Vrydag, 21 Mei, vir die laerskoolleerders 'n geleentheid om 'n spreekwoord of idioom voor te stel. Kom pouse na die hoërskoolvierkant en laat die aap uit die mou. Moenie hierdie geleentheid deur jou vingers laat glip nie – maak 'n knoop in jou sakdoek. Die ATKV-span lek al hul lippe af om elkeen in aksie te sien. As jy een van ons groot pryse wen, kan jy jouself op die skouer klop.

9. **Karoo to Coast – fietswedren: 26 September 2021:**

Hierdie is weer 'n geleentheid vir Hoërskool McLachlan om geld in te samel. Ons soek bestuurders om deelnemers se voertuie van Uniondale na Knysna te neem. Die skool verdien R850 per voertuig. Indien u beskikbaar is, kontak Daleen Strydom by 042 2731335 of stuur 'n e-pos na [info@hsmclachlan.co.za](mailto:info@hsmclachlan.co.za).

10. **Covid-prosedure:**

Prosedure voor skool:

Die skool se hekke word elke oggend om **07:30** oopgesluit en word weer om **07:50** gesluit.

Leerders wat na 07:50 by die skool opdaag, moet by die sekretaresse aanmeld.

Ingang/Uitgang van onderskeie grade:

Let wel: Skandering vind soggens van 07:30 – 07:50 plaas.

Graad	Hek (ingang) 07:30 – 07:50	Hek (uitgang)	Skandering	Skoolure
1 en 2	Bushek (P.J.Retiefstr.)	Klein hekkie (12:40)	07:30 - 07:50	Maandag – Vrydag 07:30 – 12:40
3, 7, 8,12	Bushek (P.J.Retiefstr.)	Bushek (P.J.Retiefstr.)	07:30 - 07:50	Maandag – Donderdag 07:30 – 14:15 Vrydag: 07:30 – 12:40
4, 5, 6, 9, 10, 11	<b>Klein hekkie</b> (De Waalstraat)	Klein hekkie (De Waalstraat)	07:30 - 07:50	Maandag – Donderdag 07:30 – 14:15 Vrydag: 07:30 – 12:40

LET WEL: Die skuifhek sal NIE meer as in- of uitgang gebruik word nie.

Die volgende reëls moet asseblief vir almal se veiligheid nagekom word:

- Leerders moet by die hekke wag totdat dit oopgesluit word.
- Handhaaf asseblief die vereiste 1,5 m sosiale afstand aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



Hoërskool McLachlan



McLachlan Internet Fasiliteit